

事王宮既勤且久增秩改授以旌其能往服休恩益敬無怠可

西頭供奉官張禧得三級轉三官制

勅具官某疆場之政以首虜計功所從來尚矣爾既應格則賞隨之可

鮮于侁可太常少卿制

勅具官某奉常之職非特以治郊廟之度服器之數而已國有大政事大議論必稽焉昔魯秉周禮齊不敢謀而晏子太師折衝於樽俎之間國之典常君臣之名分上下守之有死不易則國安而民服朕選建

卿士付之禮樂意在於此非我老成之人學足以通古才足以御今智足以應變強足以守官深於經術達於人情其孰宜之詩不云乎彼其之子邦之司直往脩厥官無斁朕命可

范祖禹可著作郎制

勅具官某左右起居東觀著作皆史事也今左右史獨書已行之政有司之常事至於廊廟大議君臣相與之際所以興壞治忽之由一歸於東觀則著作之任顧不重歟非得直亮多聞古之所謂益友者奮筆於其間則善惡賀亂後世無所考信汝既任其事矣

益進而專之朕苟有過猶當直書而况其餘乎往祗  
厥官無曠乃職可

孫覺可給事中制

勅朕聞明主在上凡侍從皆得言若其不明雖臺諫  
亦失職朕以冲眇丕承祖宗未堪多難之憂常恐不  
聞其過下至執藝猶當盡規豈必諫臣而後論事矧  
茲封駁之重任參黃散之間知無不言職固當爾具  
官某行不違道言不違仁處以孝聞出以忠顯先帝  
所以遺朕天下謂之正人屢告嘉猷固非小補間自  
西省遷之東臺而覺方進陽城之直詞固懷蕭生之

雅意重違其請閱月于茲卒採羣言以遂前命以爾  
抗章伏閣之志施於還詔批勅之間其一乃心以稱  
朕意

皇伯祖克愉可贈忠正軍節度使開府儀同

三司制

勅國家蒙累聖之餘澤眷宗室之多賢雖設官以董  
其私置傳以導其學而重以吏事責之懿親青衿而  
服簪纓白首以奉朝請雖有間平之盛德節向之異  
材皆湮沒而無傳頌歎息之何及尚賴本支之茂蔚  
為邦國之華不幸云亡惻然永悼具官某忠厚以為

質禮敬以自文持滿矜高蓋得諸侯之孝履信思順  
合於大有之賢小心自將沒齒無過方朕不言之際  
遽茲永逝之悲日月有時寃宥告具賁以旌旄之寵  
仍兼將相之榮豈獨慰九泉之思亦將勸庶邦之義  
可

蕃官兀渥常等十二人覃恩轉官制

勅具官某等錯居吾圉世濟其忠矧茲臨御之初豈  
有中外之異各從遷秩以廣異恩祇服寵靈益堅守  
禦可

高密郡王宗晟建安郡王宗綽所生母孫氏

封康國太夫人制

勅母以子貴春秋之義也朕方因親以教愛廣愛以  
及民封節婦之間以勸能賢賜高年之壽以助養老  
而况屬籍至近賢王篤生欲大慰於慈心宜特推於  
異數孫氏四德純備五福荐臻豈惟擢秀於閨門固  
已流芳於宮闈舉觴坐上有伯仁仲智之賢持節洛  
濱皆汝南瑯琊之貴爰改封於樂土俾正位於小君  
服我休恩介爾眉壽可

客省副使劉瑄知恩州制

勅軍國異容兵民異道治戎振旅以驚勇為上承流

宣化以忠厚為先爾久練武經本由才選屢更煩使  
克有成勞試于一州祇服朕訓可

皇叔叔曹贈洛州防禦使封廣平侯制

勅官至持節壽為通侯非我勲勞之臣則必親賢之  
屬豈云虛授維以飾終具官某生於高明力自脩飾  
克有常德以沒元身乃眷衡漳夙為重地爰假一麾  
之寵就分五等之封庶其有知服我休命可

左侍禁李司可供奉官制

勅蠶爾裔夷馮嶮竊發不時討擊何以懲艾爾能奮  
命破走犬羊何愛一官以勸吏士可

張汝賢可直龍圖閣發運副使制

勅具官某朝廷於南方復置都漕者所以均節諸路  
之有無使歲課時入而已非以求贏也至俗吏為之  
則多收羨財以幸恩寵而民受其病以爾昔為御史  
號稱敢言奉使江表罪人斯得庶幾知義利之分者  
是以命爾寵之新職往惟欽哉

狄諮劉定各降一官制

勅具官某等奉使一路以恤民奉法為先今乃不然  
煩酷之聲溢于朕聽公肆其下曲法受賕收聚毫末  
與農圃爭利使民無所致其忿至欲賊殺官吏朕以

更赦置之閑局而公議未厭其削一官徃思厥愆服  
我寬政可

叔頗男改之可三班借職制

勅某汝父無祿早世緣母之請以獲一官其思所以  
克家事母者惟敬母息可

鮑耆年京東轉運判官張岫京西轉運判官

制

勅具官某等朕惟百姓之命寄於郡縣而守令之賢  
不能人知其實獨賴部使者為朕耳目而已爾長一  
郡以才良聞進之漕屬以究其用其使上無惰吏下

無冤民以稱朕意可

李周可太僕少卿制

勅具官某僕臣正厥后克正見於周書思無邪思馬  
斯臧形於魯頌朕命此職亦難其人以爾秉心不回  
臨事有守通練世故灼知民情所以望爾者豈特車  
工馬政而已哉可

范純禮可吏部郎中制

勅具官某嗚呼維乃顯考克明德秉哲以左右我仁  
宗俾配德於堯舜天亦維相之使世有人以任我樞  
機將帥之事今汝獨在外計朕惟瑚璉不可以褻用

驥馭不可以小試命以天官之屬其少進之益觀其能往欽哉可

余希旦可知濰州制

勅具官某爾本以才選坐累失職亦云久矣肆予大青固不更新北海名邦民朴而富徃務忠厚以安其生可

王哲可知衛州制

勅具官某凡我四朝之舊經德秉哲篤老不衰者今幾人哉以爾好學守節名在循吏而久不治民朕甚惜之太行之麓民朴訟簡守以安靜莫如汝宜可

郭祥正覃恩轉承議郎制

勅具官某朕丕承六朝陳錫四國覃及方外決于有生矧予通籍之臣可無增秩之寵祗服休命永肩一心可

王崇拯可遠郡刺史制

勅具官某刺史漢官秩六百石魏晉以來皆牧守之任今雖以為勇爵然非親賢勲舊不在此選爾入直禁省出分虎符兵民所宜選寄滋重有司言爾累勞當遷益情厥官以應名實可

潮州澄海第六指揮使謝臯可三班借職制

勅某汝自什伍長積勞累遷至一旅極矣今乃以去惡之功獲補武吏惟廉與慎乃克有終可

皇伯仲郤贈使相制

勅親親以藩王室賢賢以尊朝廷古之道也況於死生之際恩禮之重國有常典我其敢忘皇伯具官某生於高明克自祗畏出就外傳聞好禮之稱退省其私有為善之樂云何不淑惟此閔凶慰我永懷豈無異數衣衣赤舄寵均三事之臣玉節牙璋坐享專征之器豈云虛授維以飾終庶幾有知服我休命可

士暇可右班殿直制

勅汝宗室子始名而祿得之非報守之惟報祗服朕訓乃克終譽可

克鞏可遙郡防禦使制

勅具官某朕於宗室無所愛也然猶不欲虛授以遠人言得之惟艱乃罔後悔凡有進秩必付有司攷其歲月察其行義則朕與汝皆無愧豈不休哉可

劉奭閣門祗候制

勅具官某惟我神考篤于將帥生則厚其寵死則卹其孤將使識朝廷之儀習軍旅之事無忝厥祖以世其家成汝之意可謂至矣將何以報之可

宋文公集卷之三

三

陳薦贈光祿大夫制

勅昔我英祖博求天下之士以輔翼我神考于東宮二十餘年之間山陵既成人物改謝碩瞻在廷一二臣外固有存者朕惻然傷之永懷其人具官某劄毅木訥器遠任重密勿左右以責難為愛君周旋藩輔以郵民為報國淪喪未幾風烈如在雖死者不可復作而追榮之典猶足以寵經其子孫且使朴忠守道之士知朕意之所予者可

呂穆仲京東提刑唐義問河北西路提刑制  
勅先帝立法更制所以約束監司守令使不得營私

而害民者可謂至矣朕始罷賦泉之令復征徭之法凡先帝之約束當益申而嚴之使出力從政之民無所復病以爾穆仲等或端靜有守敏於為政或直亮多聞志於仕道而京東河朔皆天下重地也往脩厥官稱朕意焉可

沈叔通知海州制

勅朕嗣位以來通商惠農施舍已責有不順成荒政畢舉而海濱之民羣聚剽掠此吏不稱職備災無素之過也今選命汝惟往安之非勝之也民苟有以生矣其肯自棄於惡可



孫向保州通判制

勅孫向一郡之寄在汝守貳察奸舉能既復其舊矣則達政之吏可以有為爾通練民事既試有勞其從所請以觀來效可

鄧闢朝散郎制

監州慎門金坑

勅具官某瘴霧之鄉上幣所出累年於此勤亦至矣法當遷秩以答久勞可

荆王新婦王氏潭國夫人制

勅易稱中饋為家人之正吉詩羨羔羊蓋鵲巢之功致婦德有常含章不曜能使君子樂且有儀則內助之賢從可知矣王氏早服師傅習聞詩禮富貴而能恭儉俯仰極於孝慈令問藹然刑于宗族其改封大國象服是宜以稱我叔父之德為內命婦之法豈不休哉可

李琮知吉州制

勅具官某汝以久遠無根之賦使畏威懷賞之吏均之于無辜之民以病告聞之惕然使吏覆視皆如所聞既正其事矣而汝猶自言若無罪然朕惟更赦不汝深咎遷于一州往深念之廬陵之富甲於江外使民安汝朕則汝安可

高士良可文思副使制

勅某汝閱習民兵技藝超等課以歲月於法當遷佳服寵靈益思來效可

皇叔叔遂可贈懷州防禦使追封河內侯制  
勅生于富貴而無驕溢之患終于祿位而有歸全之美始終之義有足賢者具官某性於忠孝文以禮樂蓋蒙祖宗之澤而服師保之訓克有令問以沒元身是用爵之通侯官以持節上以博勸於宗室下以寵綏其子孫可

呂公著妻魯氏贈國夫人制

勅婦人之德如玉在淵雖不可見必形諸外視其夫有羔羊之直相其子有麟趾之仁則內德之茂從可知矣具官某故妻某氏名臣之子元老之婦所資者深故志存乎仁所見者大故動協于禮環佩穆然閨門化之而降年不永祿不配德其改封大國正位小君庶幾為女史之光非獨慰其夫子而已可

仲暹可遙郡防禦使制

勅某居貧賤而有聞易處富貴而無過難凡我宗室皆有位著雖不任以事無所施其才而刑于厥家有以考其行日月其邁爵秩當遷朕不爾私服之無愧

可

司馬光三代妻

曾祖政太子太保制

勅書曰臯陶邁種德種之遠故其發也難發之難故其報也大古之君子有種德於百年之前而待報於數世之後者昔聞其語今見其人具官某故曾祖某官某篤行有聞信於鄉國懷道不試遺其子孫天不吾欺再世而顯至于曾孫其德日躋衮衣繡裳進位于朝退有事于家廟其致朕命詔于有神尚食其報以康乃後可

曾祖母薛氏溫國太夫人制

勅朕自通籍之臣皆有以寵綏其父母而自祖以上非予丞弼之家莫獲褒顯君子之孝至於尊祖以及其妣用邦君之禮以降其家可謂至矣某官某故曾祖母某氏專靜有守柔嘉維則經之以孝慈緯之以恭儉使清白之訓不墜于子孫而隱德之報可質於天地我有異數詔于幽室翟裼副笄尚服享之可

祖炫太子太傅制

勅朕有元臣以德媚于上下民見其羽旄聞其車馬之音則稽首而聚觀之況其父祖墳墓之所在望其

草木盖有流涕而拜者錫命之寵豈特以慰其家而已哉某官某故祖某官某篤學力行追配前人仕道難進止於一命無疆之慶在其子孫風流未遠英烈如在歆予寵章以慰民望可

祖母皇甫氏温國太夫人制

勅夫天人之際若不可知而善惡之報各以其類凡今富貴壽考光顯于世朕察其父母大父母未有不仁而得之者也某官某故祖母某氏令德孝恭著于閨門好禮慈儉刑于姻族始生賢子以大其家而餘澤方茂福祿未究再世之後莫之與京愍州追崇國

有常典庶幾幽壤服我龍靈可

父池贈太師追封温國公制

勅朕聞盛德之士必與天合考之古人而無疑質諸鬼神而不慙雖不當世必有達者某官某故父某官某德為世範言為士則躬蹈隨夷之節庶幾顏閔之行事我仁祖為時名臣而儒術之用止於侍從德澤之施極於方鎮天厚其世篤生異人不求而各自章不言而人自信皆曰君子之子宜為天下之用朕既采民言俾秉國成而淵源之深推本所自命以師臣胙之大國使人知有道之士雖沒有無疆之休可

母聶氏溫國太夫人制

勅古之烈婦著在史冊非有憂患不見名節若夫令德懿行秀于閨門而湮滅無傳何可勝數獨賴子孫之賢或以表見於世君子之欲得位行道豈非以顯親揚名之故歟某官某故母聶氏早以淑女嬪于德人恭儉信順以相其夫慈和嚴肅以成其子使朕得名世之士以濟於艱難其遺風餘澤蓋有存者改封大國正位小君非獨以報其德庶幾令名與子俱傳於天下可

故妻張氏溫國夫人制

勅夫婦之好義同賓友勤瘁相成於艱難之中而死生契闊於安樂之後朕聞其事惻然傷之具官某故妻某氏少以女士不勤姆師歸于德門克有令問從我元老辭寵居約遊神清淨之庭守德寂寞之宅始終之際無愧古人我有寵章慰其永逝其正名於大國以從姑於九原可

張恕將作監丞制

勅具官某朕惟人材之難長育之無素事至而求有不可得是以訪之先臣大老之家推擇其子弟庶幾似之以爾名臣之子篤學好禮敏於從政試之匠事

以觀其能爾克遠猷無忝乃父以稱朕意可

趙濟知解州制

勅具官某古者官有常人士有定論雍也可使南面求也可使為百乘宰論定而官不浮則民服汝長西師歷年於此矣考之清議不曰汝宜尚畀一城以觀未效敬之戒之毋失朕命可

趙濟落直龍圖閣管勾中獄廟制

勅具官某有司言汝罪惡有狀小人有不忍為而汝為之朕惟羞汗搢紳重置汝于理其退處散地以勸風俗可

王彭知婺州孫昌齡知蘇州岑象求知果州制

勅具官某為吏莫不欲威而明威不可立也惟公則威明不可作也惟虛則明郡無小大民無剛柔事無繁簡政無難易惟公而虛無違而不治以爾用法之久而不失仁恕折獄之多滋識情偽孫端齡岑豫暉無華夫使庶年史民宜之其悉乃心施于有政不侮鰥寡毋擾獄市稱朕意焉可

王子韶主客郎中周尹考功郎中制

勅具官某等事有繁簡才有所宜要之郎官天下之

清選也朕有所擇於其人而無所輕重於其間以爾  
子韶博聞強記老而能學以爾尹果藝而達知無不  
為各率其職而用其長朕將觀焉可

蔣之奇天章閣待制知潭州制

勅三后在上遺文在下炳若雲漢昭回于天乃眷歲  
書之府因為育材之地爰登秀傑以備顧問雖持節  
出使剖符分憂一挂名於其間遂增重於所蒞且使  
民見侍從之出守知朝廷之念遠也具官某少以異  
材輔之博學藝於從政敏而有功使之治劇於一方  
固當坐嘯以終日勿謂湖湘之遠在予庭戶之間務

安斯民以稱朕意可

皇伯祖宗勝贈太尉北海郡王制

勅夫以三公之位冠諸侯王之爵元勳盛德有不能  
兼非我父兄親賢之隆加之死生哀榮之極則朕豈  
以此授非其人哉具官某生于高明克自抑畏忠厚  
以為質禮敬以自文貴窮人壽而無驕佚之譏考終  
天命而有歸全之美始終之際中外所賢日月有時  
電宥告具備物典冊以將子哀豈獨慰九原之思蓋  
將勸庶邦之義可

劉有方可昭宣使依舊嘉州刺史內侍省內

侍押班制

勅朕為天下父母推一心以馭百官內外雖異愛無  
差等皆欲其處無過之地受有名之賞則上下相安  
人無間言具官某少知忠恪晚益詳練砥礪庶陽有  
縉紳之風祇畏簡書無戲息之色歷歲滋久積勞當  
遷考之有司皆曰應法往服新寵朕不汝私可

宋滋可右侍禁制

勅某疆場之臣所以奮不顧身義不旋踵者以朕為  
能卹其孤也何愛一官不以慰死者之意且以為吏  
士之勸乎可

鞠承之可秦州通判制

勅具官某自恢復而鄙秦為內郡宿兵之衆有損於  
前而遠輸之勞至相倍蓰軍政雖簡民事為重監郡  
之職專在養民有司擇材曰汝可使往辦乃事無忝  
所知可

蘇文忠公集卷第九十三



蘇文忠公集卷第九十七

內制口宣

撫問知大名府馮京口宣

有勅卿夙分重寄言念勤一作勞歲律云周王事靡  
盥益加輔養以體眷懷今差入內內侍省內西頭供  
奉官劉安國傳宣撫問想宜知悉

冬季傳宣撫問河北河東沿邊臣寮口宣

有勅卿等疆場之守職思其憂霜露既凝歲聿云暮  
宜加厚愛以副眷懷今差入內內侍省內西頭供奉  
官寇順之傳宣撫問想宜知悉

七日賜大遼賀興龍節人使內中酒果口宣  
有勅卿等柅車就館布幣造庭既欣鄰好之修復歎  
使華之義就加寵賚式示眷懷今差內侍省內東頭  
供奉官胡忠順賜卿等內中酒果想宜知悉

相州賜大遼賀正旦人使御筵口宣

有勅卿等春朝畢會鄰聘交馳屬徂歲之沍寒念遠  
動於行李徃頒燕衍以重使華今差內侍省內侍殿  
頭何孝友賜卿等御筵想宜知悉

趙州賜大遼國賀 太皇太后正旦使副茶

藥口宣

有勅卿等遠馳四牡來應三朝屬此歲寒勞於行役  
宜膺寵錫以示眷存今差入內內侍省內西頭供奉  
官謝得方賜卿等茶藥想宜知悉

賜大遼國賀興龍節人使朝辭訖歸驛御筵

口宣

有勅卿等聘事告成陛辭言邁念歸途之云遠復賓  
館之少留體我眷懷共茲宴喜今差入內內侍省內  
東頭供奉官李達賜卿等御筵兼差通議大夫守尚  
書左丞王存押伴想宜知悉

班荆館賜大遼國賀興龍節人使回程酒果

口宣

有勅卿等改轍北路供帳都門風埃浩然徒馭勤止  
宜膺寵錫以示恩華今差內侍省內西頭供奉官李  
世長賜卿等酒果想宜知悉

瀛州賜大遼國賀興龍節人使回程御筵口  
宣

有勅卿等回車北道弭節邊亭使事已終歸駮少憇  
往頒燕衍益厚眷存今差內侍殿頭王懷敏賜卿等  
御筵想宜知悉

賜皇弟普寧郡王侯生日禮物口宣

有勅朕之介弟生以茲辰春 萼之相輝祝椿齡之  
難老宜同慶喜往致寵頒今差宣德郎右正言劉安  
世賜卿生日禮物想宜知悉

賜大遼國賀正旦人使正月一日就驛御筵  
口宣

有勅使華遠至春律肇新即卿舍館之安昭我惠慈  
之眷往陳燕豆以樂佳辰今差入內內侍省內侍殿  
頭李易從賜卿等御筵燕燕中大夫守中書侍郎劉  
擊押伴想宜知悉

賜大遼國賀正旦人使內中酒果口宣

有勅卿等瑞節華軒來修舊好醇醪珍寶以薦新春  
膺此寵頒體予異眷令左入內侍省內西頭供奉  
石壽賜卿等內中酒果想宜知悉

班荆館賜大遼國賀正旦人使回程御筵口  
宣

有勅卿等使事告成旋去平言邁方改轅於北道暫弭  
節於都門昭示眷懷少留宴衍令差內侍省內侍殿  
頭梁自正賜卿等御筵想宜知悉

雄州賜大遼國賀正旦人使回程御筵兼傳  
宣撫問口宣

有勅卿等已事告歸扼車少憇眷言長道遠犯餘寒  
宜錫燕嘉以旌勞勩令差內侍省內西頭供奉官郭  
惟明賜卿等御筵兼傳宣撫問想宜知悉

賜大遼賀正旦人使鈔鑼唾盃孟子錦被褥  
等口宣

有勅卿等遠將鄰好來慶春朝眷言跋履之勤宜有  
珍華之賜受茲異寵體我至懷令差入內侍省內  
侍殿頭秦肅之賜卿等銀鈔鑼唾盃孟子錦被褥等  
想宜知悉

玉津園賜大遼國賀正旦人使射弓例物口

宣

有勅卿等射以娛賓抑將觀德發而命中曾不出正宜旌審固之能膺受珍良之賜今差入內內侍殿頭楊博賜卿等射弓例物兼差殿前副都指揮使武泰軍節度使苗授伴射想宜知悉

瀛州賜大遼賀正旦人使回程御筵口宣

有勅卿等已聘言還犯寒遠邁方脂車於北道復弭節於邊城宜錫宴嘉以旌勞勩今差入內內侍省內侍殿頭王懷敏賜卿等御筵想宜知悉

班荆館賜大遼國賀正旦人使却回酒果口

宣

有勅卿等還璋言邁弭節少留念鞭轡之方勤涉冰霜之餘涼宜陳燕俎以寵歸軒今差內侍省內侍殿頭皇達賜卿等酒果想宜知悉

正月六日大遼國賀正旦人使朝辭訖就驛

賜御筵口宣

有勅卿等使事告成陞辭言邁命近臣之往勞庶遠道之少留體我眷懷共茲宴衍今差入內內侍省內侍東頭供奉官李元賜卿等御筵兼差正議大夫守門下侍郎孫固押伴想宜知悉

撫問廊廷路臣寮口宣

有勅卿汝等分寄邊陲輯寧吏士眷言勳良極軫懷徃致朕言各宜尚慎今差東頭供奉官趙思信傳宣撫問想宜知悉

又

有勅卿汝等各膺器使祗服邊陲眷茲靖安時乃忠力特加勞問以示顧懷今差入內內侍省內東頭供奉官陳嘉言傳宣撫問想宜知悉

賜呂大防生日禮物口宣

有勅惟茲穀旦生我元臣爰分服食之良徃助閨門

之喜式為爾壽宜識朕心今差卿弟左宣德郎大臨賜卿生日禮物想宜知悉

賜皇叔徐王顯生日禮物口宣

有勅乃眷賢王實為社稷之衛載臨誕日永集邦家之休臨遣使車徃致眉壽今差左承議郎充集賢校理守國子司業兼侍讀孔武仲賜卿生日禮物想宜知悉

就驛賜太遼賀坤成節人使銀鈔鐸等口宣

有勅卿等遠勤使節展慶誕辰畏暑長途方即安於舍館精金良幣宜徃致於恩私今差入內內侍省內

西頭供奉官劉韓賜卿等銀鈔羅唾孟孟子錦被褥等想宜知悉

班荆館賜大遼賀坤成節國信使副到闕酒果口宣

有勅卿等抗旃遠道解鞅近郊念館舍之未安宜駮駢之少憇式頒芳旨以示眷懷今差內侍省內侍殿頭楊觀賜卿等酒果想宜知悉

賜大遼賀坤成節使副生餼口宣

有勅卿等抗旃暑路阻節驛亭眷惟行李之勤往致珍鮮之餽膺茲寵數明我眷懷今差入內內侍省內侍殿頭康承錫賜卿等生餼想宜知悉

玉津園賜大遼賀坤成節人使射弓例物口宣

有勅卿等圭璋致命既已講歡弓矢娛賓亦將觀德宜有珍華之錫以旌審固之能今差入內內侍省內東頭供奉官王邁賜卿等射弓例物兼差殿前副都指揮使劉昌祚伴射想宜知悉

賜平海軍節度使駙馬都尉李瑋已下罷散坤成節道場香酒果口宣

有勅卿等義重戚藩志同忠報屬誕辰之均慶嘉法

會之告成宜示褒優特加寵賚今差內侍省內西頭供奉官李世長賜卿等香酒果想宜知悉

賜管軍已下罷散坤成節道場香酒果口宣  
有勅誕彌之慶海宇攸同嘉將帥之協恭設人天之妙果宜均寵錫以示褒優今差內侍省內侍殿頭張翬賜卿等酒果想宜知悉

賜皇伯高密郡王宗晟已下罷散坤成節道場香酒果口宣

有勅眷我宗英志存忠報修等慈之妙供祝難老之昌期嘉此精誠均其慶錫今差內侍省內西頭供奉

官盧仲宣賜卿等香酒果想宜知悉

相州賜大遼賀正成節人使却回御筵口宣  
有勅卿等鄰好既成使並下有耀眷邦畿之漸遠念郵傳之方勤服我恩私少留燕喜今差內侍省內西頭供奉官盧仲宣賜卿等御筵想宜知悉

賜大遼賀正成節人使朝辭訖歸驛御筵口宣

有勅卿等已聘告歸少休就館即頒燕俎臨遣輔臣式示異恩以榮回馭今差內侍省內西頭供奉官朱孝友賜卿等御筵想宜知悉



轍押伴想宜知悉

班荆館賜大遼賀正坤成節人使回程御筵口

宣

有勅卿等方事回轅聊茲弭蓋念征途之尚未加秋暑之未衰往錫燕嘉少休徒馭今差入內內侍省內侍殿頭馮和賜卿等御筵想宜知悉

賜大遼賀坤成節使副內中酒果口宣

有勅卿等來陳慶幣克盡鄰歡載嘉遠聘之勤宜示寵綏之意頒茲芳旨服我恩私今差入內內侍省內西頭供奉官梁元弼賜卿等內中酒果想宜知悉

賜大遼賀坤成節人使朝辭訖歸驛酒果口

宣

有勅卿等遠敷使事率禮無違既上謁辭言還有日宜加頒錫益示寵榮今差入內內侍省內侍殿頭董慈賜卿等酒果想宜知悉

坤成節就驛賜阿里骨進奉人使御筵口

宣

有勅汝等來修貢篚適蓬誕辰宜均慶賜之恩共樂亨嘉之會往頒燕俎咸極歡心今差入內內侍省內侍高品韓巽賜汝等御筵想宜知悉

雄州白溝驛賜大遼賀正旦人使御筵口宣  
有勅卿等遠馳使節來慶春朝屬歲律之凝嚴涉道  
途之脩阻宜頒宴衍以勞動劬今差入內內侍省內  
侍殿頭藍惟永賜卿等御筵想宜知悉

趙州賜大遼皇帝賀興龍節人使茶藥口宣  
有勅卿等遠飭使輶來陳慶幣川途甚阻風霧可虞  
特示至恩往頒名劑今差入內內侍省內東頭供奉  
官宋良臣賜卿等茶藥想宜知悉

雄州撫問大遼國賀興龍節使副口宣  
有勅卿等遠犯風埃久動輶傳入疆茲始授館少安

申命撫存式昭眷獎今差入內內侍省內東頭供奉  
官鄧輔堯傳宣撫問想宜知悉

趙州賜大遼國賀 太皇太后正旦使副茶  
藥口宣

有勅卿等奉將邦幣馳會歲元眷言夙駕之勤方次  
中途之館宜頒靈劑以喻至懷今差入內內侍省內  
西頭供奉阮易簡賜卿等茶藥想宜知悉

班荆館賜大遼賀興龍節人使到闕酒果口  
宣

有勅卿等肅將信幣來慶誕辰眷言行李之勞宜有

燕休之賜受茲芳酌體我眷懷今差內侍省內侍殿  
頭李鎮賜卿等酒果想宜知悉

班荆館賜大遼賀正旦人使回程酒果口宣  
有勅卿等抗旌旋復弭節少留風埃浩然徒馭動止  
宜有珍芳之賜以昭眷寵之殊今差內侍省內侍殿  
頭吳餘立賜卿等酒果想宜知悉

就驛賜大遼賀正旦人使酒果口宣

有勅卿等遠會春朝恪脩鄰好既卒聘事豈無燕私  
宜就錫於加籩蓋式昭於異數今差內侍省內  
頭供奉官容約賜卿等酒果想宜知悉

賜河東路諸軍來年春季銀鞋兼傳宣撫問

臣寮將校口宣

有勅卿等從事邊陲服勤師律方踐更於春令諒率  
履於天和特有匪頒以昭眷遇今差內侍省內東頭  
供奉官陳演撫問兼賜諸軍銀鞋想宜知悉

雄州賜大遼賀正旦人使回程御筵口宣

有勅卿等出疆繼好已事言還跋履冰霜憩休館舍  
宜有燕私之寵以旌來往之勤今差內侍省內  
侍殿頭孫承禧賜卿等御筵兼傳宣撫問想宜知悉  
就驛賜大遼賀正旦人使銀鈔鐸唾盃孟子

錦被褥口宣

有勅卿等遠馳信幣來慶春朝春言行李之勞方茲館舍之定宜加頒賚用示寵嘉今差入內內侍省西頭供奉官董宗立賜卿等銀鈔羅唾盂盂子錦被褥等想宜知悉

賜鎮江軍節度使判大名府韓絳詔書湯藥

口宣

有勅卿德望之隆中外所屬誠請雖極輿論未安毋復懷歸以勤北顧特頒良劑以輔至和今差入內侍省內東頭供奉官勾當內東頭司張士良賜卿詔

書湯藥想宜知悉

班荆館賜大遼賀正旦人使到闕酒果口宣

有勅卿等遠修鄰好來會歲元久涉道途少休郊館宜頒芳旨以勞驂駢

就驛賜大遼賀正旦人使宴口宣

有勅卿等佳辰紀慶曁事告成申飭臣鄰往就舍館同茲衍樂服我惠慈

賜大遼賀正旦使副銀鈔羅等口宣

有勅卿等通兩國之歡不遠千里驅一乘之傳來慶三朝宜有寵頒以昭異眷

賜大遼賀正旦畢使副就驛御筵口宣

有勅卿等遠抗使旃來陳慶幣眷東風之協應嘉上日之同歡宜就驛亭往頒燕豆

賜大遼賀正旦使副前一日內中酒果口宣

有勅卿等方興嗣歲既饒餘寒佳鄰好之篤脩念使華之少駐式頒珍異以示眷懷

賜大遼賀正旦使副却回班荆館御筵口宣

有勅卿等聘事既成歸途方啓言念改轅之始少留張飲之歡往推恩勤下及徒馭

賜大遼賀正使副朝辭訖歸驛御筵口宣

有勅卿等寓館以久勤趨庭告去不假壺觴之樂曷為徒馭之華服我恩私少留宴衍

賜大遼賀正旦使副春幡勝口宣

有勅剪刻之工風俗惟舊眷皇華之在館屬春陽之肇新宜有分頒以增賁飾

寒節就驛賜于闐國進奉人御筵口宣

有勅汝等觀光上國述職遐方屬茲改火之辰想有懷歸之念宜頒燕衍以示恩私

坤成節就驛賜于闐國進奉人御筵口宣

有勅卿等款塞觀光趨庭効貢屬誕彌之稱慶均燕

衍以示慈祗服寵嘉式旌忠恪

賜于闐國進奉人進發前一日御筵口宣

有勅汝等奉琛來覲已事言歸式嘉慕義之誠宜有勞還之澤往頒燕衍祗服恩私

賜于闐國進奉人使正旦就驛御筵口宣

有勅汝等重譯遠來觀光戾止屬人正之改律樂天敘之發春宜示寵休式同燕喜

賜皇弟咸寧郡王侯生日禮物口宣

有勅眷予母弟誕慶茲辰載詠斯千之祥宜均既醉之福祗膺寵數永錫壽祺

云云

賜建安郡王宗綽生日禮物口宣

有勅卿位隆將相德重宗藩方秋律之既深紀門弧之多慶宜膺寵錫以介壽祺

云云

賜嗣濮王宗暉生日禮物口宣

有勅流澤之深積慶之厚嘉此良辰白寫生賢王受茲多儀永錫難老

云云

賜太師文彥博生日禮物口宣

有勅卿勲在廟社名聞華夷允儲河岳之靈宜享喬松之壽往頒寵數以慶佳辰

云云

賜宰相呂公著生日禮物口宣

云云

十四

有勅卿仁以庇民忠以衛上誕彌之日慶慰良深佳錫寵章以介眉壽

賜皇弟普寧郡王似生日禮物口宣

有勅歲將更端月亦既望實以茲日篤生賢王宜厚寵頌以介多福云云

賜皇伯高密郡王宗晟生日禮物口宣

有勅卿德茂宗枝望隆公袞推本流長之慶有嘉震肅之辰宜示寵頌以綏壽祉云云

賜皇弟山南東道節度使佖生日禮物口宣

有勅卿以華之親醜瓜瓠之應載臨誕日宜厚寵

頌服式異恩永膺介福云云

賜宰相呂大防生日禮物口宣

有勅乃眷良辰篤生元輔豈獨縉紳之望允為河岳之英今遣爾甥往致朕命受茲休寵永介壽康云云

賜皇弟大寧郡王佖生日禮物口宣

有勅乃眷賢王篤生茲日本枝之慶華萼相承宜分廡庠之良以致喬松之壽云云

賜正議大夫安燾上第一表乞退不允口宣

有勅卿被遇先帝勤勞有年速于眇躬倚注彌重宜安厥位毋重力辭云云

賜宰相呂公著乞退不允口宣

有勅卿柱石本朝著龜當代方茲注意實所仰成宜體朕心姑安其位云云

賜左丞李清臣乞退不允口宣

有勅卿綜轄樞機雍容廊廟義當體國謀豈先身往喻至懷少安舊服云云

賜安燾乞退不允口宣

有勅卿以舊德首冠西樞雅望既隆仰成彌重宜安厥位以卒輔予云云

賜文彥博乞致仕不允口宣

有勅卿德望冠於累世風采聞於四夷方茲仰成倚以為重退老之請所未欲聞云云

有勅朕上承慈訓下酌民言秉國之鈞非卿莫可來請雖切朕意不移云云

勅彥博求退之意著於士民執謙之心信於天地勉當委重之託切無懷祿之謙大義苟安細故可略朕命不再卿其少安云云

有勅卿望重百辟威聞四夷進退之間輕重所寄毋煩屢請朕命不移云云

賜呂公著乞致仕不允口宣



有勅朕以冲眇垂拱仰成卿以耇老圖任共政無故而去於義未安云云

有勅卿望重縉紳義同休戚如左右手可須臾離雖屢形於懇詞必難移於朕意云云

賜文彥博乞致仕不允批荅口宣

有勅耆老在位華夷瞻觀若聽公歸恐失民望朕命不再公其少留云云

宣召許內翰入院口宣

有勅卿拔自循良老於文學禁林之命儒者所榮往祇厥司以究所蘊云云

閣門賜呂公著誥口宣

有勅卿正位三公具瞻多士式資坐論以副仰成體朕眷懷服此明命云云

閣門賜呂大防范純仁誥口宣

有勅朕稽叅衆庶登用俊良並建宰司同陞揆路祇承明命仰副眷懷云云

閣門賜新封徐王誥口宣

有勅卿望隆尊屬德冠宗藩改殿大邦實諧群議往服朕命以為國華云云

興龍節尚書省賜宰相已下酒果口宣

有勅誕彌之慶中外所同眷我臣鄰共茲燕喜宜加寵賚以示眷懷今差入內內侍省內西頭供奉官鄧舜賢賜卿等酒果想宜知悉

賜太師文彥博已下罷散道場口宣

有勅卿等以弼亮之重勤勞王家因誕慶之辰修崇法會宜頒勞賜以示眷存云云

賜樞密安燾已下罷散興龍節道場香酒果

口宣

有勅卿等樞機之臣社稷是衛夙設人天之供共祈箕翼之祥宜膺寵頒以助燕喜云云

賜駙馬都尉李瑋已下罷散興龍節道場口

宣

有勅震夙紀辰邇遐同祝乃眷戚藩之重預修淨供之嚴亦既告成宜膺寵錫云云

賜殿前副都指揮使苗授已下罷散興龍節

口宣

有勅卿等以衛上之忠屬誕彌之慶預嚴淨會以薦壽祺及此告成宜加寵賚云云

賜權管勾馬軍司公事姚麟已下罷散道場

口宣

有勅卿等率職周廬端誠梵宇共致延鴻之祝出於忠愛之深宜錫珍芳以助燕衍云云

賜文太師已下罷散道場口宣

有勅乃眷師臣身先百辟有嚴淨供祇薦萬齡宜有分頒以助燕喜云云

賜皇叔徐王罷散道場口宣

有勅卿望隆周召德邁間平屬誕慶之紀辰仗佛乘而薦祉助茲宴喜錫以柔嘉云云

賜濟陽郡王曹佾罷散道場口宣

有勅卿寵冠戚藩望隆舊德好祝無疆之壽故脩最

上之乘既徹淨筵宜膺寵錫云云

賜皇伯祖嗣濮王宗暉已下罷散道場口宣

有勅眷我宗英乃心王室修彼龍天之供慶茲虹電之祥宜有分頒以成燕喜云云

賜皇叔祖同知大宗正事宗景罷散道場口宣

有勅乃眷宗英祇率藩服慶誕辰而薦壽脩淨會以告成宜有分頒以助燕喜云云

賜知樞密院安燾已下罷散道場口宣

有勅卿等任重樞機忠存廟社屬誕辰之薦壽修法

會以告成錫以珍芳助其燕喜云云

賜知樞密院安燾已下罷散道場口宣

有勅彌月之祥溥天同慶協股肱之畢力延釋梵以祈年申以寵頒助其愷樂云云

賜皇伯祖宗暉已下罷散道場口宣

有勅卿等以義重宗藩志存忠愛先期誕月歸命佛乘迨茲法會之成宜有正頒之寵云云

坤成節尚書省賜宰臣已下御筵酒果口宣

有勅卿等忠存柱石誠貫天人共欣誕日之臨既畢祇園之會宜頒芳旨以助燕私云云

坤成節賜知樞密院事韓忠彥已下御筵酒

果口宣

有勅卿等修佛勝因祈天永命既肅成於梵供益表見於忠誠宜有寵頒以同燕喜云云

賜馬步軍姚麟已下罷散道場口宣

有勅卿等誕辰祗慶法會告成嘉與幽生同躋壽域往頒芳旨少勞忠勤云云

賜韓忠彥已下罷散道場口宣

有勅嘉我樞臣義均一體修茲淨供而優績千齡不有寵頒曷旌忠報云云

賜徐王罷散道場口宣

有勅卿親賢莫二忠孝實兼饒蒲塞於祗園薦椿齡於崇慶既成法會宜有寵頒云云

賜宰相呂大防已下罷散道場口宣

有勅卿等竭誠衛上體國均休恪修西竺之儀仰獻南山之祝宜膺寵錫以示褒優云云

賜知樞密院事安燾已下罷散道場口宣

有勅卿等忠存體國義切戴君結妙果於三垂祝慈闈之萬壽宜膺寵錫以示眷存云云

賜太師文彥博已下罷散道場口宣

有勅卿等翊贊大猷倡先多士方慈闈之獻壽嚴法會以薦誠宜有寵頒以昭殊眷云云

賜殿前都指揮使燕達已下罷散道場口宣

有勅卿等同罄純忠力修勝果用祈慈壽既徹梵筵宜有寵頒以昭眷遇云云

賜皇伯祖鎮南軍節度使宗暉已下罷散口

宣

有勅卿等表率宗盟助成孝治祝慈壽仰扣佛乘既畢梵筵宜加寵賚云云

賜平海軍節度使李暉已下罷散道場口宣

有勅卿等乃心王室同輸欲報之誠稽首佛乘共祝無疆之壽既成法會宜示寵頒云云

賜皇叔揚王荆王醴泉觀罷散道場口宣

有勅卿等德冠邦家義兼臣子修勝緣於西竺祈壽嘏於南山宜有寵頒以成法會云云

賜皇伯祖宗晟辭免恩命不允批荅口宣

有勅官不可曠禮有從權苟愛君如愛親則王事為家事勉遵舊服少屈私誠云云

賜宗晟辭免恩命不許仍繼來章批荅口宣

有勅哀慕未衰懇辭彌切既寒暑之一變宜忠孝之

兩全勉從朕言起服乃事云云

賜新除門下侍郎孫固辭免恩命不允口宣

有勅卿金華元老西樞舊臣與政東臺實慰輿議祇膺成命毋復固辭云云

賜新除依前中大夫守中書侍郎呂大防辭

免口宣

有勅大政所關西臺為重朕難其選無以易卿宜即欽承毋煩退避云云

賜新除中大夫守尚書右丞劉摯辭免口宣

有勅卿嘉猷屢告輿議所歸授受之間臣主無愧速

起視事副朕所期云云

賜新除知樞密院安燾辭免口宣

有勅卿以舊德簡在朕心成命既孚僉言咸穆宜即  
祗受毋煩固辭云云

賜呂大防范純仁辭免恩命不允口宣

有勅卿望重縉紳才兼文武弼亮之選中外同然毋  
復固辭以稱朕意云云

賜新除司空平章軍國事呂公著上第二表  
辭免恩命不允口宣

有勅卿以全德式符具瞻宜與師臣共為民望欽承

明命佇聽嘉謨云云

賜新除尚書左僕射呂大防右僕射范純仁  
辭免恩命上第二表不允口宣

有勅卿以宏材久與大政擢升宰輔實慰具瞻宜速  
拜嘉毋煩謙避云云

賜新除中書侍郎劉摯辭免恩命不允口宣

有勅稽叅衆言蔽自朕志西臺之貳無以逾卿亟踐  
厥官毋煩固避云云

賜新除左丞王存辭免恩命不允口宣

有勅卿純忠許國雅望在人官以次升義無足避其

承休寵以副眷懷云云

賜趙瞻辭免恩命不允口宣

有勅朝廷用人議論先定不次之舉非卿孰宜亟服  
休恩毋煩固避云云

賜皇叔新封王上第二表辭免恩命不允口  
宣

有勅朕始升徐方以昨叔父庶幾大彭之壽罔愧元  
王之賢母復屢辭亟膺成命云云

蘇文忠公集卷第九十七

蘇文忠公集卷第九十八

內制口宣

相州賜大遼國賀興龍節使副御筵口宣

有勅卿等遠馳信幣來慶誕辰眷言四牡之勞宜享  
加籩之禮式頒寵數以示至恩今差入內侍省內  
東頭供奉官岑滋賜卿等御筵想宜知悉

送伴正旦使副沿路與賀北朝生辰并正旦  
使副相見傳宣撫問口宣

有勅卿等方冬出使涉春在塗遠犯風埃想勤跋履  
勉加鞭策即造會朝今差某官某傳宣撫問想宜知



悉

班荆館賜大遼賀正旦人使却回御筵口宣  
有勅卿等遠達使辭載嚴歸駟方改轅於北道暫弭  
節於都門益重眷懷往仲燕饒今差內侍省內西頭  
供奉官梁懷吉賜卿等御筵想宜知悉

賜大遼賀正旦人使正月一日入賀畢就驛

御筵口宣

有勅卿等遠飭使輶來必舊好屬此方春之旦宜均  
既醉之歡爰命燕胥以昭眷寵今差入內內侍省內  
西頭供奉冠順之賜卿等御筵兼差通議大夫守尚

書左丞李清臣押伴想宜知悉

賜鎮江軍節度使判大名府韓絳詔書湯藥

口宣

有勅方面重寄無逾老成丘園歸休難遂雅意特頒  
珍劑以示至懷方此沍寒益加調養今差入內內侍  
省內東頭供奉官勾當御藥院老宗元賜卿詔書湯  
藥想宜知悉

班荆館賜大遼賀興龍節人使赴闕口宣

有勅卿等抗旌遠道弭節近郊乃眷勤勞良深軫念  
特頒燕衍以示惠慈今差入內內侍省內東頭供奉

官衛元賜卿等御筵想宜知悉

撫問熙河蘭會路臣寮口宣

有勅卿等服勤疆場賦政兵民言念劬勞實分憂顧特加存問以示眷懷今差東頭供奉官張永壽傳宣撫問想宜知悉

撫問資政殿學士知揚州王安禮口宣

有勅卿久去廊廟出臨江淮綏懷流亡肅遏寇盜遠惟勤瘁特示撫存今差入內內侍省內侍殿頭康奭傳宣撫問想宜知悉

賜皇叔祖保信軍節度使安康郡王宗隱生

日禮物口宣

有勅卿屬尊望重德厚慶隆方誕毓之令辰有匪頌之故事克膺壽祉永服寵光今差朝奉郎監察御史韓川賜卿生日禮物想宜知悉

賜皇叔祖寧國軍節度使華原郡王宗愈生

日禮物口宣

有勅卿望重宗盟德隆藩服載協誕彌之旦光膺積慶之餘特示寵頒永綏壽祉今差朝奉郎殿中侍御史呂陶賜卿生日禮物想宜知悉

賜皇叔祖昭信軍節度使漢東郡王宗瑗生

日禮物口宣

有勅卿爵齒既隆德望斯稱載更誕日胥慶家庭式  
侑燕私以資壽祉今差入內內侍省內東頭供奉官  
郝終日賜卿生日禮物想宜知悉

賜新除保寧軍節度使馮京告勅詔書茶藥  
口宣

有勅全魏之寄舊德為宜勉即征途以答民望往頒  
珍劑昭示眷懷今差入內內侍省東頭供奉官勾當  
御藥院陳衍賜卿告勅詔書銀合茶藥想宜知悉  
賜韓絳詔書茶藥口宣

有勅卿德齒俱高誠請彌確重以民事久勞元臣既  
飭還車宜頒珍劑尚加調養以副眷懷今差入內內  
侍省內東頭供奉官勾當御藥院老宗元賜卿詔書  
銀合茶藥想宜知悉

賜交州進奉人朝見訖就驛御筵口宣

有勅卿汝等恭持方物來叩塞垣冒涉修途觀光上  
國宜頒燕勞以示恩私今差入內內侍省內侍殿頭  
黃益賜汝等御筵想宜知悉

白溝驛賜大遼賀坤成節人使御筵兼傳宣  
撫問口宣

有勅卿肅將慶幣遠涉脩途風埃浩然徒馭勤止宜  
頒燕行以示眷懷今差某官某賜卿等御筵想宜知  
悉

賜宰臣呂公著生日禮物口宣

有勅朕之元老生以茲辰實為邦國之華豈獨閨門  
之慶故命爾息往宣予懷仍分廐庫之良以助子孫  
之壽今差卿男朝請郎希哲賜卿生日禮物想宜知  
悉

瀛州賜大遼賀坤成節人使回程御筵口宣

有勅卿等抗旌來聘已事言還方次邊城少休候館

宜頒燕俎以勞歸駢今差入內供奉官鄧舜賢賜卿  
等御筵想宜知悉

玉津園賜大遼賀坤成節人使射弓例物口  
宣

有勅卿等致命寶鄰出游越不禦爰敷射事以佐賓歡  
宜旌審固之能式厚珍良之賜今差入內東頭供奉  
張懷寶賜卿等射弓例物兼差殿前都指揮使威武  
軍節度使燕達伴射想宜知悉

賜大遼賀坤成節人使生鱸口宣

有勅卿等遠涉修途來陳慶幣舍館初定徒馭實勞

宜錫餼牽以昭寵數令差入內東頭供奉官張安仁  
賜卿生餼想宜知悉

賜大遼賀坤成節人使內中酒果口宣

有勅卿等遠馳使傳申講鄰歡既執贄以造廷亦展  
幣而成禮宜加寵錫以示眷存今差入內侍省內  
侍殿頭雷通賜卿酒果想宜知悉

賜知樞密院事安燾已下罷散坤成節道場  
香酒果口宣

有勅卿等同竭忠嘉助成孝治方慈闈之獻壽嚴法  
會以薦誠宜有寵頒以昭殊眷今差內侍殿頭童貫

賜卿等香酒果想宜知悉

班荆館賜大遼賀坤成節人使回程香酒果  
口宣

有勅卿等講成聘禮歸次都門復此少留逝將言邁  
宜班餞筭以寵行驟今差入內殿頭楊安靖賜卿等  
酒果想宜知悉

賜熙河秦鳳路帥臣并沿邊知州軍臣寮茶  
銀合兼傳宣撫問口宣

有勅卿汝等夙分邊寄深識虜情屬此盛秋勞於警  
備宜申寵賚以示眷懷今差入內東頭供奉官陳言

賜卿等茶合兼傳宣撫問想宜知悉

賜熙河秦鳳路提刑轉運茶銀合兼傳宣撫

問口宣

有勅卿等持節宣風久分憂寄調兵足食想極賢勞  
宜有寵頒以彰眷遇今差入內東頭供奉官陳言賜  
卿等茶銀合兼傳宣撫問想宜知悉

賜觀文殿大學士光祿大夫知永興軍韓績  
茶銀合兼傳宣撫問口宣

有勅卿釋政廟堂均勞方面兵馬之重綏御實勞往  
諭至懷宜加寵賚今差入內東頭供奉官陳言賜卿

茶銀合兼傳宣撫問想宜知悉

賜皇弟武成軍節度使祁國公惲生日禮物

口宣

有勅卿 華醴慶桐葉分封載臨震夙之辰特致壽  
康之祝其膺寵錫以介神休今差朝奉郎充龍圖閣  
待制錢勰賜卿生日禮物想宜知悉

賜宰相呂公著乞外任不允批荅口宣

有勅分憂一作金德之老朕所仰成大義未安卿當畏去  
純忠所激微疾自除今差入內西頭供奉官吳遵道  
賜卿乞外任不允批荅想宜知悉

賜宰相呂公著乞罷相位不允斷來章批答口宣

有勅卿之在位為德與民朕意不移徒煩屢請速起視事毋復固辭今差入內供奉官皇邁賜卿乞退不允斷來章批答想宜知悉

賜太師平章軍國重事文彥博辭免入朝拜禮允批答口宣

有勅卿勲德愈高謙恭不伐盡事君之禮忘曲身之勞重違嘉言特寢前命今差入內供奉官高純之賜卿辭免入朝拜禮允批答想宜知悉

賜皇叔荆王頽生日禮物口宣

有勅卿以名世之傑居叔父之親乃眷良辰實鍾餘慶宜膺異數之禮永錫無疆之休今差入內侍省內侍都知張茂則賜卿生日禮物想宜知悉

熙河蘭會路賜種誼已下銀合茶藥及撫問犒設漢蕃將校已下口宣

有勅卿等受成元帥問罪種羌既俘凶渠備見忠力各加犒賜用示眷懷今差入內東頭供奉官閻安賜卿等銀合茶藥兼傳宣撫問想宜知悉

撫問劉舜卿兼賜銀合茶藥口宣

有勅卿翰屏西服威懷種羗嚴兵盛秋得雋戎落特遣勞問仍示寵頒今差入內供奉官閻安賜銀合茶藥想宜知悉

賜陝府西路轉運判官孫路銀合茶藥口宣  
有勅汝以職事出按邊防屬此軍興想勞心計宜加寵錫以示眷懷今差入內供奉官老宗元賜汝銀合茶藥想宜知悉

賜陝府西路轉運司勾當公事游師雄銀合茶藥口宣

有勅汝以儒臣習知疆政王事靡盬周爰咨謀宜有寵頒以旌勤瘁今差入內供奉官老宗元賜汝銀合茶藥想宜知悉

撫問秦鳳等路臣寮口宣

有勅卿汝等綏馭兵戎布宣條教眷惟忠盡想極劬勞屬此早寒各宜厚愛今差入內東頭供奉官張士彥傳宣撫問想宜知悉

白溝驛傳宣撫問大遼賀興龍節人使及賜御筵口宣

有勅卿汝等遠馳信幣來慶誕辰念此脩途喜於入境宜加燕勞以示眷存今差其官傳宣撫問想宜知



悉

沿路撫問奉安 神宗皇帝御容禮儀使呂  
大防已下口宣

鄭州

有勅卿等恭持使節祗事祠宮遠涉郵途實勞啓處  
特加存問以示眷懷今差入內內侍省內東頭供奉  
官郝士良傳宣撫問想宜知悉

鞏縣

有勅卿等出使別都展儀原廟衝涉微涼不勤勞遠途  
體此眷懷宜加調衛今差入內內侍省內東頭供奉

官郝士良傳宣撫問想宜知悉

西京

有勅卿等暫去闕庭服勤郵傳奉祠之重率禮為勞  
已事遄歸式符眷遇今差入內內侍省內東頭供奉  
官郝士良傳宣撫問想宜知悉

西京會聖宮應天禪院奉安 神宗御容禮

畢押賜禮儀使已下御筵口宣

有勅卿等既成原廟復奠神游乃眷元臣往嚴盛禮  
宜均燕衍以示眷存今差其官某賜卿等御筵想宜  
知悉

賜熙河路副總管姚兕等銀合茶藥口宣

有勅卿以武略過人忠義思報焚蕩虜境宣明國威  
特示寵頒以觀來効今差某官某賜卿詔書銀合茶  
藥想宜知悉

賜涇原路經略使并應守城禦賊漢蕃使臣  
已下銀合茶藥兼傳宣撫問口宣

有勅戎虜逆天無故犯順卿汝等忠義所激戰守有  
方犄角相望示以形勢犬羊自遁亭候無虞愛念勤  
勞不忘嘉歎今差某官某賜卿汝等銀合茶藥兼傳  
宣撫問想宜知悉

賜大遼賀正旦人使白溝驛御筵并撫問口  
宣

有勅卿等遠馳華節冒履薄寒眷言郵傳之勤少樂  
宴嘉之賜往申寵問式示眷存今差某官某賜卿等  
御筵兼傳宣撫問想宜知悉

沿路賜奉安 神宗御容禮儀使呂大防押  
班馮宗道并使臣已下銀合茶藥兼傳宣撫  
問口宣

有勅卿汝等祗率官常往嚴像設屬此寒凝之候眷  
言往返之勞式示寵綏特賜優錫今差某官某傳宣